

枝江縣志卷之十七

人物志下

方技

明

向志善楷書永樂七年薦舉授戶部主事

國朝

卞演精方書神脈理求治者概不計利故全活多人蓋得上池之秘術而行古之道也

卞聯雲初業儒後精通方脈能取古法而神明之嘗曰

枝江縣志

卷之十七

人物志下

一

古人謂方不可執夫方可執而不可執不可執而未始不可執也神而明之存乎其所施藥劑活人甚多邑令李花白曲永斌田禹稼皆表題之

楊雲憬邑百里洲人寄籍江陵士瓊其兄也才氣英邁

隨諸兄讀書能識大義精繪事尤工山水得王右丞李營邱遺意乾隆初至京師一時名公卿若虞山蔣溥黃山許登瀛輩皆折節下之丁卯出廣陵濟黃河慕岱宗山水之勝往探焉歸途作圖十七首窮形盡相面目逼真系以記凡五千餘言戊辰

高廟東巡職事大臣以雲憬圖進蒙

聖賞名大起後蔣撫湖南招游衡嶽及往蔣復內擢追隨漢上作江漢圖倦游歸以疾卒雲憬因勝國姓改氏楊故自號尋源子生平著作甚富皆散佚畧盡存者游泰山圖記東游記游泰山詩數十首而已

張培字天眷號篤齋性樸質敦孝友年十七孤嘗嘆曰爲人子者不可不知醫緣是窮經之餘兼覽古今方書於黃帝內經張仲景傷寒論尤多發明曲盡色養母享大年皆培精醫扶持之力所致著有傷寒類編

枝江縣志

卷之十七

人物志下

二

楊致綸號和亭太學生性爽直績學不售字法宗歐顏名噪一時索書者踵相接也子常伯常仲亦工楷書

時焜字

藥董灘逐家焉精醫嘉慶甲戌

大疫

誠以團防籌饑功保舉運同銜

余恩邑官培坪人寄籍長樂善技擊勇力過人嘉慶元年教匪滋事恩充團長多所捍禦後隨大營勦賊有功授六品軍功嘗夜行遇姦結羣撲恩恩持短竹杖摩之姦遁去

仙釋

宋

道士范儕巴東人少游荆土多盤桓於縣界惡衣糲食
瀟散自得言來事多驗而詞不可詳人心欲見歛然
而對貌言尋求終弗遇也雖遙跨諸洲而舟人未嘗
見其濟涉後東遊廣陵卒於彼土儕在洲無定止處
宿憩一小菴而已弟子慕之於其昔游共立精舍以
存其人

鄴道元
水經注

梁

陸法和不知何許人也隱於江陵百里洲衣食居處一

枝江縣志

卷之十七

人物志下

三

與苦行沙門同耆老自幼見之容色常不定人莫能
測也或謂自出嵩高遍遊遐邇既入荊州汝陽郡高
要縣之紫石山無故捨所居山俄有蠻賊文道期之
亂時人以為預見萌兆及侯景始降於梁法和謂
南郡朱元英曰貧道共檀越擊侯景去元英曰侯景
為國立效師云擊之何也和曰正自如此及景渡
江法和時在青谿山元英往問曰景今圍城其事云
何法和曰凡人取果宜待熟時不撩自落檀越但待
候景熟何勞問也固問之乃曰亦尅亦不尅景遣將

任約擊梁湘東王於江陵法和乃詣湘東乞征約召諸蠻弟子八百人在江津二日便發湘東遣胡僧祐領千餘人與同行法和登艦大笑曰無量兵馬江陵多神祠人俗恒所祈禱自法和軍出無復一驗人以爲神皆從行故也至赤沙湖與約相對法和乘輕船不介胄沿流而下去約軍一里乃還謂將士曰聊觀彼龍睡不動吾軍之龍甚自踴躍卽攻之若得待明日當不損客主一人而破賊然有惡處遂縱火舫於前而逆風不便法和執白羽麾風風勢卽返約眾皆

見梁兵步於水上於是大潰皆投水而死約逃竄不知所之法 and 曰明日午時當得及期而未得人問之法 and 曰吾前於此洲水乾時建一刹語檀越等此雖爲刹實是賊標今何不向標下求賊也如其言果於水中見約抱刹仰頭裁出鼻遂擒之約言求就師目前死法和曰檀越有想必不兵死且於王有緣決無他慮王於後當得檀越力耳湘東果釋用爲郡守及魏圍江陵約以兵赴救力戰焉法和旣平約往進見王僧辨於巴陵謂曰貧道已斷侯景一臂其更何能

爲檀越宜卽逐取乃請還謂湘東王曰侯景自然平矣無足可慮蜀賊將至法和請守巫峽待之乃總諸軍而往親運石以填江三匝飛遂不流橫之以鐵鎖武陵王綰果遣蜀兵來渡峽口勢覺進退不可王琳與法和經畧一戰而歿之軍次白帝謂人曰諸葛孔明可謂名將吾自見之此城旁有其埋弩箭鏃一斛許因插表令掘之如其言又嘗至襄陽城北大樹下畫地方二尺令弟子掘之得一龜長尺半以杖叩之曰汝欲出不能得已數百歲不逢我者豈見天日乎

枝江縣志

卷之十七 人物志下

五

爲受三歸龜乃入草初入曼山多惡疾人法和爲采藥療之不過三服皆差卽求爲弟子山中毒蟲猛獸法和授其禁戒不復噬螫所泊江湖必於峯側結表云此處放生漁者皆無所得才有少獲輒有大風雷船人懼而放之風雨乃定晚雖將兵猶禁諸軍漁捕有竊違者中夜猛獸必來欲噬之或亡其船纜有小弟子戲截虵頭來詣法和法和曰汝何意殺虵因指以示之弟子乃見虵頭齧袴褶而不落法和使懺悔爲虵作功德又有人以牛試刀一下而頭斷來詣法

和法和曰有一斷頭牛就卿微命殊急若不爲作功德一月內報至其人弗信少日果死法和又爲人置宅圖墓以避禍求福嘗謂人曰勿繫馬於確其人行過鄉曲門側有確因繫馬於其柱入門中憶法和戒走出將解之馬已斃矣梁元帝以法和爲都督鄂州刺史封江乘縣公法和不稱臣其啟文朱印名上自稱司徒梁元帝謂其僕射王褒曰我未嘗有意用陸爲三公而自稱何也褒曰彼旣以道術自命容是先知梁元帝以法和功業稍重遂加司徒都督刺史

如故部曲數千人通呼爲弟子唯以道術爲化不以法獄加人又列肆之內不立市丞牧佐之法無人領受但以空檻籬在道間上開一孔受錢賈客店人隨貨多少計其估限自委檻中所掌之司夕方開取條其孔目輸之於庫又法和平常言若不出口時有所論則雄辨無敵然猶帶蠻音善爲攻戰具在江夏大聚兵艦欲襲襄陽而入武關梁元帝使止之法和曰法和是求佛之人尙不希釋梵天王坐處豈規王位但於空王佛所與主上有香火因緣見主人應有報

至故求援耳今既被疑是業定不可改也於是設供
食具大餽薄餅及魏舉兵法和自郢入漢口將赴江
陵梁元帝使人逆之曰此自能破賊但鎮郢州不須
動也法和乃還州至其城門着麤白布衫布袴邪巾
大繩束腰坐葦席終日乃脫之及聞梁元帝敗滅復
取凶服着之哭泣受弔梁人入魏果見餽餅焉法和
始於百里洲造壽王寺既架佛殿更截梁柱曰後四
十許年佛法當遭雷電此寺幽僻可以免難及魏平
荊州宮室焚燼總管欲發取壽王佛殿嫌其材短乃

枝江縣志

卷之十七

人物志下

七

停後周氏滅佛法此寺隔在陳境故不及難天保六
年春清河王岳進軍臨江法和舉州入齊文宣以法
和爲大都督十州諸軍事太尉公西南大都督五州
諸軍事荊州刺史安湘郡公宋荅爲郢州刺史官爵
如故荅弟遙爲散騎常侍儀同三司湘州刺史義興
縣公梁將侯瑱來逼江夏齊軍棄城而退法和與宋
荅兄弟如朝文宣聞其奇術虛心相見備三公鹵簿
於城南十二里供帳以待之法和遙見鄴城下馬禹
步卒術謂曰公旣萬里歸誠主上虛心相待何爲作

此術法和手持香爐步從路車至於館明日引見給
通幃油絡網車仗身百人詣闕通名不稱官爵不稱
臣但云荆南居士文宣宴法和及其徒屬於昭陽殿
賜法和錢百萬物萬段甲第一區田一百頃奴婢二
百人生資什物稱是宋蒼千段其餘儀同刺史以下
各有差法和所得奴婢盡免之曰各隨緣去錢帛施
散一日便盡以官所賜宅營佛寺自居一房與凡人
無異三年間再爲太尉世猶謂之居士無疾而告弟
子死期至時燒香禮佛坐繩床而終浴訖將斂屍小

枝江縣志

卷之十七

人物志下

八

縮止三尺許文宣令開棺視之空棺而已法和書其
所居壁而塗之及剝落有文曰十年天子爲尙可百
日天子急如火周年天子遞代坐又曰一母生三天
兩天共五年說者以爲婁太后生天子自孝昭卽位
至武成傳位後主共五年焉

錄北齊書

唐

慧安姓衛氏隋開皇十七年遁山谷大穴中開通濟渠
歲饑餓殍相枕安乞食以救之獲濟者衆煬帝徵之
不起潛入太和山及帝幸江都乃杖錫登衡嶽行頭

陀行唐貞觀中至黃梅謁五祖遂得心要高宗麟德元年游終南石壁因止焉帝嘗詔之不奉詔於是徧歷名蹟至嵩山武后徵至輦下待以師禮甚加欽重后嘗問師甲子多少師曰不記后曰何不記耶師曰死生之身若循環無端焉用記爲况此心流注中間無聞無見若有起滅乃妄想耳從初時至相滅時亦只如此何年月之可記乎后聞稽顙信受景龍三年三月八日閉戶偃寂春秋一百二十八時稱老安國

師錄舊志

枝江縣志

卷之十七

人物志下

九

明

沙門了紀有禪行得仙術萬歷間自蜀過枝往錫於西門外龍王潭潭側有洞洞中蝙蝠常數千師曰老僧寄住耳不久當便還蜀於是蝙蝠悉去洞向無水師至忽傍湧一泉足供一人之用居洞中辟穀煉氣日食棗數枚胡麻一合而已山有虎或爲師慮師曰吾終夜坐山頭與虎爲伴何懼哉後入遠安青谿山師去後蝙蝠復來泉亦旋竭

寶筏寺僧一門者王大人河玉氏子也已娶妻生女每

夜臥其妻視牀若倒懸者然滿室藥香忽病就舅氏
醫不愈因自檢藥一服卽愈若有神教之者爰出家
構三佛菴以居不誦經不參佛遇人病來問許愈卽
愈且預知病者來問命其徒候門什不爽一素不讀
書遇應試者輒教之曰讀書參禪初念爲真汝輩場
中作文試題到手將平日講習審定一番便揮詞成
章卽是本來面目若二三其念便非真矣自往西蜀
募化木料建造關聖殿大雄殿大悲閣今濱江巋然
者師之力也臨終口占一偈而寂人皆謂其從證果

枝江縣志

卷之十七

人物志下

十

中來者

庾臺寺僧月堂百里洲張氏子也少祝髮寺中及長受
玉泉蓮月禪師囑記遍參吳會諸老宿歸而住持郡
城之東華樓洲人以庾臺之廢也迎師而重新之師
經律該博問答如響人皆各得其意以去晚而自責
曰余少無知絕先人祀雖成佛何益其祖父墓田已
更數姓曲折贖回爲寺中作常住冀後之租此田者
庶掃其墓耳事畢喟然白吾可以逝矣逝之日命其
徒孫手張一紙懸筆題四偈其一辭世其二入龕其

三啓龕其四入塔今記其一日脚根不動到巖阿山
色湖光繞薜蘿一樣是聲無限意牧童樵子唱山歌
題畢擲筆而逝

流寓

宋

劉蚪字靈植一字德明南陽涅陽人徙居江陵少抗節
好學須得祿便隱宋泰始中仕至晉平王驃騎記室
當陽令罷官歸家靜處常服鹿皮裕斷穀餌朮及胡
麻齊建元初豫章王嶷爲荊州教辟蚪爲別駕不應

枝江縣志

卷之十七

人物志下

十一

永明三年刺史廬陵王子卿表蚪及同郡宗測宗尙
之庾易劉昭五人請加蒲車束帛之命詔徵爲通直
郎不就蚪精信釋氏衣麤布禮佛長齋注法華經自
講佛義以西沙洲去人遠

其子之遴傳謂
隱在百里洲

乃徙居之

建武二年詔徵國子博士不就其冬蚪病正晝有白
雲徘徊檐戶之內又有香氣及磬聲其日卒年五十

八子之遴之亨

節錄南
史本傳

庾承先字子通潁川鄢陵人少沈靜有志操是非不涉
於言喜慍不形於色人莫能窺也弱歲受學於南陽

劉蚪強記敏識出於羣輩元經釋典靡不該悉九流
七畧咸所精練郡辟功曹不就乃與道士王僧鎮同
游衡岳晚以弟疾還鄉里遂居於土台山梁書處
士傳

後周

庾信字子山南陽新野人祖易父肩吾竝南史有傳信
幼而俊邁聰敏絕人博覽羣書尤善春秋左氏傳身
長八尺腰帶十圍容止頽然有過人者父肩吾爲梁
太子中庶子掌管記東海徐摛爲右衛率摛子陵及
信並爲抄撰學士父子東宮出入禁闥恩禮莫與比

枝江縣志

卷之十七

人物志下

十三

隆旣文並綺艷故世號爲徐庾體焉累遷通直散騎
常侍聘於東魏文章詞令盛爲鄴下所稱還領建康
令侯景作亂臺城陷信奔江陵梁元帝承制除御史
中丞及卽位轉右衛將軍封武康縣侯聘於西魏遂
留長安周閔帝踐祚封臨清縣子遷驃騎大將軍開
府儀同三司進爵義城縣侯拜洛州刺史爲政簡靜
吏民安之時陳氏與周通好南北流寓之士各許還
國陳氏乃請王褒及信等十數人武帝惟放王克殷
不害等信及褒並惜而不遣尋爲司宗中大夫明帝

武帝皆雅好文章並蒙恩禮信雖位望通顯常作鄉關之思乃作哀江南賦以致其意大象初以疾去職
隋開皇元年卒文集二十卷節錄北史本傳

唐

張說字道濟洛陽人永昌中對策第一授太子校書郎中宗立累遷兵部工部二侍郎睿宗朝進同中書門下平章事元宗即位為中書令封燕國公與姚崇不平罷為相州刺史坐累徙岳州蘇頌為相陳說忠蹇遷荊州長史十七年復為右丞相遷左丞相十八年

枝江縣志

卷之十七

人物志下

三

宋 卒贈太師諡文貞以上節錄唐書邑舊志有懷王墓詩見藝文

歐陽修字永叔廬陵人也四歲而孤母鄭氏親教讀書家貧以荻畫地學書比成人舉進士試國子監及禮部皆第一以文章名冠天下景祐初召試為館閣校勘諫官高若訥詆誚范仲淹修以書深責之若訥以問謫夷陵令後以觀文殿學士致仕卒年六十六贈太子太師諡曰文忠修於六經長於易詩春秋節錄東都事畧有枝江山行詩舊志缺載今補見藝文

三十朋字龜齡溫州樂清人資穎悟日誦數千言長有文行聚徒梅溪受業者以百數秦檜死上親政策士十朋以權爲對上嘉其經學淹通議論醅正擢爲第一後以龍圖閣學士致仕卒諡忠文十朋事親孝書室扁曰不欺朱熹張栻雅敬之以上見宋史前志載宿鐘

口詩一首見藝文

周敦頤字茂叔道州營道人爲分甯主簿有獄久不決敦頤至一訊立辨調安南軍司理參軍歷合州判官後知南康軍因家廬山蓮花峯下前有溪合於湓江

枝江縣志 卷之十七 人物志下 十四

取營道所居濂溪名之卒年五十七黃庭堅稱其人品甚高胸懷灑落如光風霽月淳祐元年封汝南伯從祀孔子廟廷節錄宋史今縣治前有蓮花池始判合州時過此遺蹟也辨見後

陸游字務觀越州山陰人年十二能詩文蔭補登仕郎孝宗卽位遷樞密院編修官范成大帥蜀游爲參議官以文字交不拘禮法人譏其頽放因自號放翁嘉定二年卒年八十五以上見宋史邑舊志載泊滄灘詩一首又入蜀記失載今補入見藝文

元

劉因字夢吉保定容城人天資絕人甫弱冠才器超邁
至元十九年有詔徵因擢右贊善大夫以母疾辭歸
三十年卒延祐中追封容城郡公諡文靖以上見前
元史
志載詩三首見藝文

明

張嘉允字肖甫銅梁人嘉靖二十九年進士知滑縣擢
戶部主事遷禮部郎中隆慶五年冬擢右僉都御史
巡撫應天後入為兵部右侍郎尋以左侍郎加右都

杖江縣志

卷之十七

人物志下

五

御史未幾拜戎政尙書總督薊遼保定軍務加太子
太保謝病歸越二年卒贈少保天啟初諡襄愍以上
見明史
史前志載紫山懷古詩二首見藝文

袁中道字小修公安人十餘歲作黃山雪二賦五千餘
言長益豪邁從兩兄宗道
宏道宦游京師多交四方名士

足跡半天下萬曆三十一年始舉於鄉又十四年乃
成進士天啟四年為南京吏部郎中卒於官以上見
明史

前志載杖江道中詩一首見藝文

國朝

王士正字貽上號阮亭濟南新城人自其高曾以來代有聞人伯祖象乾明太子太師祖象晉浙江布政使士正生於河南故小字豫孫幼穎異六七歲入塾受詩至燕燕綠衣等篇輒振觸欲涕八歲伯兄士祿授以裴王詩法嘗夢小鳥五色如鳳凰羣飛繞左右又夢人贈古墨嗅之有奇香年十八中順治辛卯鄉試乙未成進士選揚州推官擢禮部主事遷戶部郎中壬子典四川鄉試戊午

召對賦詩稱

枝江縣志

卷之十七

人物志下

六

旨改翰林院侍講累遷至刑部尙書甲申罷官歸里庚寅

召復原職以康熙辛卯卒於家年七十八生平雜著如皇華紀聞隴蜀餘聞池北偶談居易錄古懽錄之類甚多前後詩凡六刻不下三千首門人盛侍御符升曹祭酒禾爲編精華錄所取尙近千首錢宗伯謙益嘗贈以詩云騏驥奮蹴踏萬馬暗不驕劉吏部體仁謂人曰阮亭之詩使我更讀書三十年自覺去之愈遠其傾倒如此過枝江詩三首蓋典試四川歸舟作

也見藝文

宋楚望字荆山號恒齋由當陽籍入學幼負異稟豪蕩自喜務爲飛鷹走狗之習幾於不可控御後忽有所感苦志下帷居紫蓋寺三年中雍正己酉鄉試第一人癸丑成進士任江蘇句容縣知縣調丹徒縣知縣歲饑設賑單騎歷窮鄉廉察奸豪民得實惠歷遷海州太倉州知州太倉濱海州民苦海水漫溢爲借帑金沿海築塘六十餘里民利之旋加知府銜委查揚州水道時河失故道已久汎濫四出歷來治河者莫

枝江縣志

卷之十七

人物志下

七

得其要領楚望旬日卽以方畧上稟河督高公持入告報可遂疏濬舊海口諸水得達焉卽補常州府知府告養回籍終制卜居縣屬之田家衝蒔花栽竹訓課子孫無出山意適巡撫莊公有茶自吳撫楚素悉其才檄府促之仕楚望辭不獲乃赴吳署松江府知府松江吏刁民頑楚望莅任力剔宿弊案無積牘士民向化隨署徐州府知府兼署淮徐海道將大用以老求歸章三上得允士民絡繹遮送者幾半江南境所著人禽分途戒淫諸書人爭誦之蘇撫陳文恭公

宏謀爲弁以序歸事繼母老益篤朔望必拜跪執喪
年八十哭泣躄踊弔者感泣又三年卒楚望居官廉
明有識鑒人愛之署丹徒後養病焦山丹句兩縣士
民爭致米肉楚望慰遣之一無所受宰太倉日識拔
尙書畢公沅於童子試後果大魁天下爲封疆名臣
卒之日畢巡撫陝西千里歸賻誄以召杜遺思時家
貧不克葬逮畢督楚卒賴其力葬焉節錄當陽志舊
志楚望列選舉

張問陶字仲冶四川遂甯人相國文端公鵬翮曾孫父
山東館陶縣知縣問陶生於署中長客漢陽最久

枝江縣志

卷之十七

人物志下

六

弱冠始歸蜀乾隆戊申舉京兆試庚戌成進士授檢
討改江南道監察御史巡視南城遷驗封司郎中庚
午出守萊州壬申辭郡就醫吳門寓虎邱倚甫里白
公二祠居之尤與洪稚存亮吉善爲詩不主故常以

自然爲宗袁簡齋枚以奇才目之以遂甯有舟山故

自號船山癸丑下三峽舟過枝江賦詩八首

見藝文

友蟬氏曰人物眾矣而周官獨重賢能無德何以爲
賢無才何以爲能非賢能何以爲人物人物者嶽瀆

之靈

國家之資而閭里之望也夫杞梓皮革產於荆楚而丹陽故國實爲創業之區洲渚縱橫孰非生材之藪由今論之春秋所載鬪廉鬪祈鬪伯比莫敖屈重輩英謀壯畧並佐武王不可謂非枝江人也漢晉以降若董幼宰霍仲邈劉志安諸公或鳳毛濟美或雁翼偕行其載在蜀志南史者久矣輝增邑乘外此如劉蚪僑寓百里洲厯有年所則其子之遊之亨不謂之邑人可乎說者謂以陸通庾信周濂溪屬之人物亦免涉於附會然遺迹流傳參之他書不亦信而有假歟

枝江縣志

卷之十七

人物志下

九

若夫扁舟上下信宿流連則有歐陽永叔陸務觀之屬或筆或詩俱堪千古連類列傳賢能於是乎盡人物乃於是乎全矣

